



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Zastupnik/ca u Skupštini Kantona Sarajevo

Broj: ____/19

Sarajevo, _____

Dostaviti:

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r predsjedavajući Skupštine Kantona Sarajevo

Uputiti: Ministarstvo obrazovanja Kantona Sarajevo

PREDMET: ZASTUPNIČKA INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, tačnije Ministarstvu

obrazovanja upućujem inicijativu za **uvodenje skraćenog programa prekvalifikacije i dokvalifikacije za sticanje stručnih zvanja iz popisa tradicionalnih i starih obrta u srednjim strukovnim školama.**

OBRAZLOŽENJE:

Pokretanje obrta na nivou FBiH je regulirano Zakonom o obrtima i srodnim djelatnostima.

U navedenom zakonu, preciznije njegov Član 10. Stav 1. definiše da „fizičko lice može obavljati vezani obrt ako uz opšte uslove iz člana 9. ovog zakona ispunjava i poseban uslov stručne spreme“, a u Zakonu je detaljnije razjašnjeno o kojima zanimanjima se tačno radi i koji uslovi stručne spreme se trebaju zadovoljiti za pokretanje određenih obrta (detaljnije u Zakonu:

http://www.pufbih.ba/v1/public/upload/zakoni/c7c37-preciscen-zakon_o_obrtu_i_srodnim_djelatnostima.pdf).

Veliki je broj naših sugrađana rade i zarađuju kao zanatlije, a unatoč velikom talentu i znanju ne mogu registrovati obrt. Stoga smatram da bi ubzani proces dokvalifikacije za struke navedene u popisu tradicionalnih i starih obrta mogao potaći veći broj zanatlija da se odluče za pokretanje vlastitih obrta ili za legalizaciju svojih postojećih poslova. Smatram da je ovo bitna tema koja može značajno poboljšati socio-ekonomski status zanatlija i olakšati im radnu aktivnost te omogućiti veći broj poslova i spriječiti njihovo poslovno izrabljivanje.

Zbog svega navedenog, pozivam Ministarstvo obrazovanja Kantona Sarajevo da u saradnji sa srednjim strukovnim školama formira brze programe stručne dokvalifikacije koji će zanatlijama omogućiti sticanje zvanja potrebnih za pokretanje obrta, ali i dodatno stručno osposobljavanje.

S poštovanjem,

Zastupnik/ca u Skupštini Kantona Sarajevo
Naša stranka